



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 7. An parentes in causa filiorum, & econtra, sint testes idonei?

[urn:nbn:de:hbz:466:1-73001](#)

minis; hæc enim est quædam accusatio de crimine, c. fin. b. t. 4. ad eum, qui condemnatus de crimine, appellat; nam appellatio non relevat suspicione malæ vitæ; *Gloss. fin. in cit. c. fin.*

1552.

Limitari tamen debet dicta regula, i. ut non procedat in causa civili, vel quando agitur de crimine solum civiliter, c. fin. b. t. junc. gl. V. pendente accusatione. Nam infamia facti, quam prædicta accusatio, denuntiatio, vel exceptio irrogat, non repellit in causa civili, vel cum de delicto agitur civiliter, per Mascardum de probat. *conclus. 27. n. 5.* licet autem in civilibus non repellatur tale testimonium; non est tamen omni exceptione majus, sed saltem aliqualiter gravatum ex criminis suspicione; hinc non facit eam semiplenam probationem, vi cuius ei, contra quem depositum, deferri non possit juramentum suppletorium; sic glossator Abbatis in c. fin. b. t. lit. A. Limitatur 2. ut non procedat in criminalibus de crimine excepto; in his enim multa, quæ alias non concessa sunt, admittuntur, c. fin. cit. ibi: nisi forsitan in exceptis.

§. 6.

Quid dicendum de excommunicato excommunicatione maiore?

1553.

R^Esp. non esse testem idoneum in judicio; quia inter infames reputatur, c. Illi, qui, &c. infames, 6. q. 1. quod etiam habetur c. 8. de sent. ex com. ubi dicuntur etiam à privilegiatis vitandi; & c. 13. §. credentes, de hæret. ibi: nec ad testimonium admittatur; hoc procedit, ut ne quidem sit testis idoneus contra alium excommunicatum, Mascardus de probat. *Volum. 2. conclus. 705. n. 4* procedit. 2. de excommunicato vitando, ut parte etiam nihil opponente, à Judice repelliri debeat à testificando, ut constat ex c. 8. cit. & 13. Toleratum tamen non tenetur Judex repellere, nisi pars adversa exigat c. 1. de except. in 6. si de excommunicatione dubium sit, & necessitas exigat eorum testimonium, admittuntur data prius absolutione ad cautelam, ut

colligitur ex c. Veniens, 38. b. t. ibi: volumus, ut ad cautelam absolvatis eosdem, ut vocati ad testimoniū liberè valeant pro utraque parte testari.

A dictis excipe 1. crimen heresis, contra quod ob favorem fidei, etiam excommunicati sunt testes idonei, c. in fidei, 5. & seq. de hæret. in 6. ibi: in fidei favorem, concedimus, ut in negotio inquisitionis hæreticæ pravitatis excommunicati & participes, vel socii criminis, ad testimonium admittantur: præsertim in probationum aliarum defecatum contra hæreticos, credentes, fautores, receptatores, & defensores eorum, si ex verisimilibus conjecturis, & ex numero testium, aut personarum (tam deponentium, quam eorum, contra quos deponitur) qualitate ac aliis circumstantiis sic testificantes falsa non dicere præsumantur; excipe 2. generaliter omnes casus, in quibus ad testificandum admittuntur infames; sic Mascardus cit. n. 15. excipe 3. casum testis instrumentarii, v. g. in testamentis, contractibus, &c. Nam in his etiam excommunicatus admittitur; sic Mascardus cit. à n. 12. 4. si reperiatur in aliquo instrumento testis scriptus, nunc quidem excommunicatus, sed non tunc, cum instrumentum confectum est; vel si fuit tunc, sed ignorabatur; excommunicatio enim, quæ testis affectus est, non reddit ejus depositionem ipso jure nullam, nisi de ipsa constet.

§. 7.

An parentes in causa filiorum, & econtra, sint testes idonei?

H^Ec quæstio universaliter proponi potest, an obstet affectio ad personam, pro qua quis, tanquam testis, proponitur? & i. quoad parentes, an possint esse testes in causa civili liborum, vel econtra? Resp. negativè, L. testis 9. ff. b. t. ibi: testis idoneus pater filio, aut filius patri non est; L. Parentes, 6. C. eod. ibi: parentes, & liberi invicem, adversus se, nec volentes ad testimonium admittendi sunt; & c. si testes, 4. q. 3. ibi: testis idoneus pater filio, aut filius patri non est; censentur enim una persona, & vox unius vox alterius; sic

sic Farinacius in tr. de testib. q.54. n.
145. Hæc regula extenditur etiam ad
matrem, cum & hæc veiat sub nomi-
ne Parentis, L. appellatione, ff. de verb.
signif. secundò ad omnes ascendentis in
linea paterna, & materna, cit L. appella-
tione, & L. 6. C. b. r. cum gloss. V. pa-
rentes; tertio ad filium emancipatum,
quia emancipatio non solvit naturalem
affectionem liberorum erga parentes,
& vicissim; propter eam autem ori-
tur inidoneitas ad testificandum pro
hoc casu. Et ideo etiam excluduntur
naturales tantum, spuri, & incestuosi;
4. etiam ad filium legitimum tantum,
seu adoptivum, quam diu est in po-
testate adoptantis; sic Mascardus de
probat. conclus. 1148. à n. 18. argum. L. 8.
ff. de in jus vocando. 5. ad vitricum
respectu privigni, & econtra, Arg. L.
Julia 4. ff. h. t. sexto, filius in testamen-
to patris testis esse non potest, sive ipse
Pater testamentum condat, sive alius
in ejus favorem; & econtra, L. qui te-
stamentum, 20. §. que autem, ff. qui testam-
fac. pos. quia pater & filius, quasi ea-
dem persona censentur, L. ult. C. de
impub. & aliis subdit.

1556. Limitatur autem 1. ut pater pro filio,
vel econtra, testis esse possit, si pars ad-
versa expresse, vel tacite illum admit-
tat; potest enim cedere juri suo; 2. ut
ambo testes instrumentarii esse possint
in contractibus de consensu partium;
3. in causa tertii, cuius pater est pro-
curator, cit. L. qui testamento; 4. in crimi-
nibus exceptis; 5. in facto difficilis
probationis, & que melius sciri possunt
per tales personas; 6. pater testari po-
test in causa filiorum suorum litigan-
tium; 7. in causa status, & quæstione
de ætate filiorum, L. etiam matris ff. de
probat. junct. Gloss. V. Professio. Sed
nota, quod hoc testimonium non pro-
bet semiplenè, cum agitur de filiorum
commodo cum præjudicio tertii, se-
clusis aliis adminiculis; Mascardus de
probat. conclus. 668. à n. 12. Octavò in
causa Religionis pater testis esse potest
pro filio, c. præsens 4. 20. q. 3. Nonò, pa-
ter spiritualis pro filio, & vicissim;
hoc tamen testimonium non est omni
exceptione majus, per Farinacium
tract. de testibus, q. 54. à n. 198. Decimò,

quando non agitur de patris commo-
do, pro eo testari potest filius, & econ-
tra, Farinacius cit. à n. 183.

Quæstio ulterior est, an parentes 1557.
testari possint in matrimoniali causa
liberorum? Resp. in causâ matrimoniali,
quando agitur de impediendo
matrimonio contrahendo, admitti
testimonium parentum, ut si deponant
de consanguinitate, vel affinitate spon-
sorum; excipe, nisi filius in Uxorem
petat mulierem, vel filia Virum se ma-
jorem, c. super eo 22. h. t. ibi: cum mater
filiae incrementum, & honorem videatur
diligere, ubi vir superior est divitius &
nobilitate, potentia vel honore, testimoni-
um ejus videtur esse suspectum, & ideo
non esse aliquatenus admittendum. Idem
dicendum est de fratribus, aliisque
cognatis, utriusque sexus; per c. Vi-
detur, 3. qui matrimon. accusare poss.
ibi: videtur nobis, quod parentes, fra-
tres, & cognati utriusque sexus, in testi-
ficatione suorum ad matrimonium con-
jungendum, vel dirimendum admittan-
tur, tam antiqua consuetudine, quam le-
gibus approbatur. Ideo enim maximè
parentes, & si defuerint parentes, pro-
ximiores admittuntur, quoniam unus-
quisque suam genealogiam cum testi-
bus, & chartis, tum etiam ex recitati-
one majorum scire laborat; qui enim
melius recipi debent, quam illi, qui me-
lius sciunt? & quorum est interesse:
ita ut si non interfuerint, & consensum
non adhibuerint, secundum leges nul-
lum fiat matrimonium? quod vero
legitur, pater non recipiatur in causa fi-
lii, nec filius in causa patris, in crimi-
nibus causis, & contractibus verum est.
In matrimonio vero conjugendo, &
disjungendo ex ipsis conjugii præroga-
tiva, & quia favorabilis res est, congrue
admittuntur. Et in hoc casu etiam
unius testimonium, deponentis de im-
pedimento dirimente ad non admit-
endum contractum matrimonii cele-
brandum, sufficit; secus ad dissolven-
dum jam contractum, cit. c. super eo,
ibi: super illa vero quæstione, quam fe-
cisti, an mulier conjungenda non sit viro,
pro eo, quod sola mater alterius eos esse
consanguineos confitetur: respondemus,
quod, si non est firmatum matrimonium
inter

Ddd 3

inter eos, matre asseverante ipsos esse consanguineos, non debent conjungi, quia presumptio est non modica, quod se linea consanguinitatis attingant. Si vero matrimonium est firmatum, non debet sine plurium juramento dissolvi. Cum primis autem, ubi post matrimonium, jure contractum, supervenit dubium de impedimento consanguinitatis, vel affinitatis, praे aliis magis idonei testes sunt parentes, cit. c. Videlur.

1558. Quæstio. 3. est, an, & quando conjuges pro se invicem testificari possint? Resp. unum conjugem regulariter pro altero non admitti in testem, per c. si testes 3. §. Idonei, 4. q. 2. & 3. cum gloss. V. imperari, & L. 3. C. b. t. junct. gl. V. etiam jure civili; quod extenditur etiam ad sponsam, & concubinam, immo ad uxorem domo expulsam. Ex eadem ratione affectus conjugalis, maritus testificari non potest pro uxore, quæ indistincte, adeoque universaliter excluditur à testificando etiam contra maritum, idque propter maximam affectionem conjugum ad invicem, quæ communiter plus trahit pro taliter coniuncto, cum quo censetur una caro. Excipe tamen 1. casum difficultis probationis 2. casum ad probandam innocentiam, & defensionem sui conjugis. Cœterum, quando conjuges testantur se matrimonium contraxisse, testimonium eorum admittitur; non autem, quando dicunt matrimonium suum esse invalidum propter impedimentum dirimens; Uxori tamen, factenti se commissæ adulterium, creditur contra ipsam fatentem, ut à Viro quoad thorum separari possit. V. plura apud Menoch. de arbitrari. Judic. c. 103. à n. 4.

1559. Quæstio est 4. an & quando consanguinei, & affines sint testes idonei? Resp. eos à consanguineis, vel affinis productos, contra extraneos in causis criminalibus, vel etiam civilibus, valde arduis, ac præjudicibus, posse repelliri, c. i. 3. q. 5. item c. similiter, & c. Accusatores, ibid. c. Absens, 3. q. 9. L. 3. ff. b. t. sed solum, usque ad tertium gradum inclusivè; sic Mardonius de probat conclus. 68. à n. 13. & nisi eorum testimonium necessarium sit ad necessariam consanguineorum, vel

affinium defensionem, seu innocentiam probanda: Secùs, in civilibus non magni iudicii; ubi tamen etiam illis minor, quam extraneis fides habetur; Menoch. de arbitrari. Jud. casu 104. n. 1. Cœterum sunt idonei testes instrumentarii in contractibus, & testamentis; 2. etiam in criminalibus, & civilibus, si partes expresse consentiant, vel etiam tacite, ut si nihil opponant; 3. quando inter eos non est magna affectio; 4. in criminibus exceptis, 5. quando veritas aliter non potest probari, vel saltem non melius; 6. in criminalibus civiliter intentatis; 7. si contra consanguineum deponant, modo non fundetur in odio.

Quæstio est 5. an domestici sint testes idonei? Domestici strictè supponunt pro Viro, Uxore, ac eorum liberis: & de his jam dictum est; 2. late, pro famulis, & ancillis pretio seu mercede conductis, in eadem domo cum Parentibus, pendentibus ab ejus mandato in servitio ex privata, non universaliter jurisdictione, ad quod conducti sunt; 3. latissime, etiam pro iis, qui in eadem domo convivunt, & commensales sunt; his positis: Resp. testes è familia, seu domesticos in acceptione lata non admitti deponere pro domino, L. perficiendum, n. §. furta, ff. de pœnis, L. 3. C. b. t. c. si testes, 4. q. 2. & 3. L. penult. ff. b. t. c. i. 14. q. 2. c. In literis 44. b. t. ubi habetur, quod nobilis quidam cum muliere contraxerit in facie Ecclesiae, eique fermè septennio cohabitaverit; postea separationem institui petierit, allegans se prius cognovisse consobrinam dictæ mulieris, & ad hoc probandum testes è familia sua produxit: hac intellecta, respondit Papa Episcopo, cuius dicecepsanus erat nobilis ille, separationem conjugum propter dictorum testimoniū depositiones nequaquam faciendam esse neque contra istud conjugium aliquos testes recipiendos, & audiendos, nisi sint probatae vitæ ac famæ, ut nulla suspicio de iis esse possit perjurii committendi. Hujus c. decisionem tradit Layman in dict. c. n. 3. procedere de domesticis, quibus ille, qui eos producit, aliquo modo imperare potest; & resolutioni locum esse tam in civilibus, quam criminalibus, per L. 3. C. de testibus, quia tales

tales in persuasione sunt, quod in omnibus iussis Patrifamilias parere debent.

1561. Excipiuntur tamen frequentes casus
 i. si, dum deponunt, non sint amplius
 domestici, nisi dimissi sint in fraudem;
 tunc enim non tollitur suspicio; 2. ni-
 si tales domestici sint valde honestae,
 ac probatæ vitæ; 3. si adversarius, sciens
 esse *domesticos*, non excipiat; 4. nisi
 producantur ad necessariam defensi-
 onem, vel probandam innocentiam
 domini; 5. nisi sint domestici utriusque
 partis; 6. nisi deponant pro do-
 mino contra alium domesticum; 7.
 nisi res aliter, aut difficulter probari
 possit; 8. nisi rogentur pro testibus in-
 strumentariis, & testamentariis; 9. in
 criminalibus exceptis; 10. nisi in fa-
 vorem Ecclesiæ deponant in civilibus;
 ii. nisi deponant in factis antiquis; 12.
 nisi producantur in his, quæ domi-
 facta sunt; cum per eos rectius sciri
 possint.

Domestici autem in significatione latissima regulariter admittuntur; Abbas in c. In literis b.t. n.5. quod etiam procedit in amicis, nisi aliunde arguantur velle amico bonum, etiam non honestum; sicut hoc præsumitur de inimico; quo solvitur, quod in contrarium objici potest; quod maximè procedat in casu, quo amicus pro amico depo-
 nit in casu exceptionum; de quibus infra. Colonus autem adscriptitus, seu mercenarius, cui potest imperari ratione dominicæ potestatis private, non admittitur pro domino fundi; glo. in cit. c. In literis, b.t.V. de familia; sed consuetudo fere habet contrarium; sic Mascardus cit. conclus. 320. n.2. & 3. Inquilini autem domûs, cum non sint de familia, possunt esse testes pro domino, item emphyteuta pro domino directo, extra causam emphyteuticam, & Vasallus cum simili limitatione pro domino feudi; sic Farinacius l.2. de te-
 stibus, q.55. n.182. & 299.

1562. Ex his colliges, testibus productis opponi quandoque posse exceptionem ab affectione ad personam; nam ex hoc capite parentes in causa civili libero-
 rum, & contra, non sunt idonei testes juxta dicta à n. 1555. quod procedit tam

de ascendentibus utriusque sexūs quam etiam de Patre mere naturali quin & adoptivo durante adoptione; ipsisque etiam parentibus nutritiis per longum tempus; quod tamen accipe secundūm limitationes ibidem posita.

Quoad quæstionem, an frater pro 1563.
fratre legitimè deponat? communiter docetur tale testimonium nec universim admitti, nec etiam universim reprobari, nimis secundūm quod in tali persona est minor, vel major suspicio affectus ad personam, pro qua deponit, fundata in affectione carnali; quæ communiter inter fratres non est tanta, quanta est inter ascendentes & descendentes; & purgatur, si productus sit integræ fidei, & religionis; 2. si causa talis sit, quæ pro testibus admittit *domesticos*, de quibus egimus à n. 1560. 3. si cum eo consentiat alius testis integer, & omni exceptione major; 4. si deponat inter duos fratres litigantes &c. Non admittitur tamen testimonium fratris pro fratre i. si vivat in bonorum communione; sic enim tangitur propria causa; 2. si ambo sint sub eadem patria potestate; 3. si alter in testimonio sit hæres institutus; 4. in injuria illata fratri, cum hæc redundet in familiam, &c.

De consanguinis pro consanguineo deponentibus c. 2. 3. q. 5. dicitur, *consanguinei accusatoris adversus extraneos testimonium non dicant, nec familiares, vel de domo prodeentes*; ex quo arguitur, depositionem consanguinei non esse omni exceptione majorem, nisi in casibus, in quibus admittitur frater pro fratre, propter suspicionem affectionis mutuae, quæ à parte, contra quam producuntur, per exceptionem opponi potest, nisi purgetur ex circumstantiis certorum casuum, de quibus num. præced. Extendunt autem aliqui dictam regulam usque ad tertium; alii usque ad quartum gradum inclusivè.

